

Багъчудин Ӧдр сӕнӕр темдггдв

Эн джил шинкн темдгггд-джӕх советск багъчудин Ӧдр Элст балгъснд йир сӕнӕр болв. Стадионд зӕсн-зӕул спортивн маргъан болв. Футболън маргъан болснд тосхлтин 2-ч управленӕ негдгч команднъ АТК-н командиг 6 : 1 тоота шӕ-ӕв. Эн управленӕ хойрдгч команднъ селӕнӕ эдл-ахун механизацин училищин командиг 2 : 0 тоота шӕӕв. Дакад, 2-ч управленӕ хойр команд тӕрӕн ормин тӕлӕ наадад, негдгч команднъ хойрдгчан шӕӕгъӕд, негдгч орм эзлв.

Городки наадлгъар дӕрлдӕн болснд балгъсна команд то-схлтин хойрдгч управленӕ ко-мандиг 2 : 0 тоота шӕӕв. Хадж-уднъ гилтӕ волейболън маргъ-ан бас болв.

Балгъсна паркд ик нӕр-джи-ргъл болв. Кисловодск балгъ-сна культурин Герин коллектив ирдж багъчудт эрдмӕн ӕзӕлсн, цугъараднъ йир сӕнӕр таас-гдв. Комсомолин балгъсна ко-митет фейерверк кев.

Эн тоот багъчудт йир сӕнӕр таасгддж, эдн эврӕннъ байрта сӕн Ӧдрӕн айтагъар давулв.

А. БАСАНГОВ.